



**Asunto:** Corrección de erros da resolución do 18.05.2018 de acceso a información pública

**Ref. Interna:** SXU transp. 01/2018

### **ANTECEDENTES DE FEITO**

O día 18 de maio de 2018 a Secretaría Xeral de Universidades ditou unha resolución na que se concedía o acceso a información pública, das axudas ás que se facía referencia na solicitude deducida por Miguel Delgado González, nos termos establecidos no artigo 22.3 da Lei 19/2013, do 9 de decembro, de transparencia, acceso á información pública e bo goberno, indicando que esta información está dispoñible no Portal Web da Consellería de Cultura, Educación e Ordenación Universitaria.

Nesa resolución detectouse un erro e procédese a súa rectificación.

O erro detectado é a inclusión do seguinte parágrafo:

- Ano 2015: Resolución do 26 de outubro de 2015 pola que se conceden as axudas da Orde do 26 de xuño de 2015 pola que se establecen as bases reguladora para a concesión, en réxime de concorrencia competitiva, das axudas para a creación, recoñecemento e estruturación de agrupacións estratéxicas do Sistema universitario de Galicia e se procede á súa convocatoria para o exercicio 2015. Expediente AGRUP 2015/15 CICA-INIBIC, onde José Carlos Millán Calenti é coordinador dun dos 22 grupos que compoñen a agrupación, importe total concedido a agrupación 500.000 € (en tres anualidades: 100.000 € no ano 2015, 250.000 no ano 2016 e 150.000 no ano 2017)

### **ANTECEDENTES DE DEREITO**

- Lei 39/2015, de 1 de outubro, do procedemento administrativo común das administracións públicas.
- Lei 19/2013, do 9 de decembro, de transparencia, acceso á información pública e bo goberno
- Lei 1/2016, do 18 de xaneiro, de transparencia e bo goberno





**Na súa virtude, de acordo con estes fundamentos de feito e de dereito**

**Resolvo:**

Primeiro.- Modificar a Resolución do 18 de maio de 2018 de acceso a información pública, que queda redactada nos mesmos termos eliminando o parágrafo incluído por erro, ao non estar integrado na agrupación o grupo que coordina José Carlos Millán Calenti.

Segundo.- Contra a presente resolución, que pon fin á vía administrativa, poderase interpoñer recurso contencioso-administrativo, perante a Sala do Contencioso-Administrativo do Tribunal Superior de Xustiza de Galicia, no prazo de dous meses ou, previa e potestativamente, no prazo dun mes reclamación ante a Comisión da Transparencia de Galicia adscrita a institución do Valedor do Pobo, de acordo co disposto no artigo 28 e 33 da Lei 1/2016, do 18 de xaneiro, de transparencia e bo goberno, e no artigo 24 da Lei 19/2013, do 9 de decembro, de transparencia, acceso á información pública e bo goberno; en ambos os dous casos, o prazo contarase desde o día seguinte ao da notificación da presente resolución.

Santiago de Compostela  
O secretario xeral de universidades  
José Alberto Díez de Castro

